

## Eanan- ja meahccedoalloministeriija áсахus

### guollebivddus Deanu čázádagas Norggain dahkkon soahpamuššii vuodduuvvi bivdolobiin jagi 2021

Eanan- ja meahccedoalloministeriija mearrádusa mielde mearriduvvo Deanu čázádaga guollebivddus Norggain dahkkon soahpamuša láhkaásahansuorgái gullelaš mearrádusaid fápmuibidjamis ja guoskadeamis addojuvvon lága (176/2017) 8 § 4 momeantta, 10 § 2–4 momeanttaid, 11 § 3 momeantta ja 12 § 4 momeantta vuodul:

#### 1 §

##### *Bivdolobiid haddemearrideapmi*

Suoma ja Norgga gaskkas Deanu čázádaga guollebivddus dahkkon soahpamuša (SopS 42/2017 ja 42/2017, maŋŋá soahpamuš) bivdonjuolggadusa 4 § 4 čuoggáin dárkkuhuvvon Suoma guolástanlohpedihtomeari gáddeguolástanlobiin berrojuvvo 20 euro guolástanjándormáksu. Gáddeguolástanlobiid guolástanáigodat lea geassemánu 14 beaivvi rájes suoidnemánu 31 beaivvi rádjái 2021.

Ovdalis 1 momeanttas spiehkastahkan vuollel 18-jahkásačča lotnun gáddeguolástanlobis berrojuvvo 10 euro máksu.

Guolástanáigodagas 2021 lea dasa lassin spiehkastahkan ovdalis 1 ja 2 momeanttain vejolaš-vuohta laktojuvvojit guolástanlobiide nuvtá okta dahje eambo mánnálobit, mii vuoigadahtta eará guovllus go Deanu čázádaga johkalegiin fásta ássi vuollel 16-jahkásačča bivdit eanemusat ovttain stákkuin dahje giehtaduorgguin hávil. Mánnálohpi ii lohkkujuvvo lohpedihtomeriide guolástanjuolggadusa 5 § 2 momeantta mielde.

#### 2 §

##### *Sierrabivdolohpemearmi*

Soahpamuša bivdonjuolggadusa 5 § 4 momeanttas ja guollebivddus Deanu čázádagas Norggain dahkkon soahpamuša láhkaásahansuorggi mearrádusaid fápmuibidjamis ja guoskadeamis addojuvvon lága (176/2017), maŋŋá fápmuibidjanláhka, 12 §:s dárkkuhuvvon sierraguolástanlohpeameari mearri lea 2414 gáddeguolástanlobi.

Sierraguolástanlohpeameari gáddeguolástanlobit leat fámus oppa rádjálohkaviidodagas.

Fápmuibidjanlága 12 § 2 momeantta mielde lobi vuovdimis ovddasvástideaddji oassebealli meroštallá osolašlogahallama vuodul jahkásaččat gerddona, man mielde vuoigatvuohta vuosttas sierradihtomearrelobiin čuovvovaččaide mearrašuvvá. Gerddon galggašii meroštallot nu ahte váldojuvvo vuhtii osolašlogahallama lassin lobiid ovddit jagiid geavahandássi sihke lobiid lotnumii vuoigadahtton guolástanvuoigatvuođa oamasteaddjiid oasus soahpamušviidodaga gid-dodagaid oasuslogus. Jagi 2021 gerddon galggašii ášahuvvot gaskii 6-8.

Sierrabivdolohpemearrái gullelaš lohpi galgá várrejuvot suoidnemánu 15. beaivái d. 15 rádjái. Dán maŋŋá várrekahtes sierralohpemearrái várrejuvvon lobit luomusmuvvet geavahuvvot turismaguolástanlohpeamearis.

Sierrabivdolohpemeari lobiid mieđiheami várás lobiid vuovdimis ovddasvástideaddji oassebealli sáhtá geavahit Deanu golanguovllu giddodagaid oamastusa registardieđuid bivdovuoigatvuođa dárkkisteami várás, mat vuoigadahttet lohpi. Juos giddodaga oamasteaddji dieđut eai gávdno lohpevuovdima adnojuvvon registardieđuin, dahje dieđuin leat eahpečielggasvuodát,

nu lobi oasti lea geatnegahtton čujuhit vuodustusa sierralohpedihtomeari geavahanvuoigatvuhtii, dego iežas oamastanoasi dahje čáhceguovllu oamastusas meari.

## 3 §

*Bivdolahpeboaduid čilgehusa addin ja luobaheapmi stáhtii*

Lohpevuovdimis ovddasvástideaddji oassebealli ferte addit čilgehusa ja luobahit iežas vuovdin ja su lohkuiv vuvdojuvvon bivdolobiin čoggon ruđaid sihke dain čoggon reanttu eanan- ja meahccedoalloministeriijai guovtti earis mañemustá 15 beaivvi siste čilgehusa addin- ja luobahanáigodaga maññá. Vuosttas čilgehusa addin- ja luobahanáigodat guoská geassemánu 30 beaivvi rádjái dáhpáhuvvan mávssuid ja máhcahemiid sihke nubbi mávssuid ja máhcahemiid suoidnemánu 1 beaivvi ja borgemánu 30 beaivvi gaskkas.

## 4 §

*Bivdolahpeboaduid geavahanákkat*

Juohkinprinsihpat mearriduvvojit jahkái 2021 dađi lági mielde, ahte lohpeboadut juhkkovvojit stáhta ja priváhta čáhceguovllu oamasteaddjiid gaska guolástanavádagaid mielde guolástanjándoriid meari ja gáddesárgá guhkkodaga vuodul ja dán maññá priváhta čáhceguovlluid oamasteaddjiide máhcahanvuloš lohpeboadut juhkkovvojit guolástanavádagaid mielde guolástanjándoriid meari vuodul.

Bivdolobiid vuovdimis ovddasvástideaddji oassebeallái šaddan golut gokčovvojit lohpevuovdinboaduin. Dása geavahuvvo vuosttas sajis jagi 2021 guolástanlohpeboaduin oassi, mii gullá stáhtii. Goluid gokčama maññá badjebáza geavahuvvo oasistis stáhtii šaddan guolásteami bearráigeahččogoluid sihke dutkan- ja čuovvungoluid gokčamii.

## 5 §

*Fápmuiboahhtin*

Dát ášahus boahhtá fápmui geassemánu 11 beaivvi 2021 ja lea fámus juovlamánu 31 beaivvi 2021 rádjái.

Helssegis geassemánu 10 beaivvi 2021

Eanan- ja meahccedoalloministtar Jari Leppä

Ráđđádalli virgeolmmoš Tapio Hakaste